



UPA 2017/130-01

24.04.2017

Utoqqalinersiaqarneq pillugu Inatsisartut inatsisaat nr. xx, xx xxx 2017-imeersup allanngortinnissaa pillugu Inatsisartut inatsisaat.

(Ilaqtariinnermut Naligiissitaanermut, Isumaginninnermut Inatsisinillu Atuutsitsinermut Naalakkersuisoq)

Utoqqalinersiaqarneq pillugu Inatsisartut inatsisaata nr. 24. 07. december 2015-imeersup allanngortinneqarnissaanut atatillugu Partii Naleraq sinnerlugu imannak oqaaseqassuugut.

Siullermik erseqqissartariaqarparput kalaallisut oqaatsivut tassaammata nunatsinni pisortatigoortumik oqaatsit pingarnerit, soorunami.

Taamaammallu qulaani inatsisip naqinneqaqqaarnerani § 17, imm. 6-imi oqaaseqatigii kalaallisoortai akuersaarsimavagut, tassani aamma utoqqaat nunatsinniinnaangitsoq qanigisaminnik toqusqartillugu ukiumut ataasiarlutik ilisisoqarneranut atatillugu angalanermut aningaasartuutit matussuserneqarnissaannut pisinnaatitaaffeqassammata.

Taamatut inatsisartut aaliangersimanerat Partii Naleqqamiit ataaqqivarput aaliangiussimallugulu, tassami aamma inatsisiliornitsinni kalaallisut oqaatsivut aallaaviusussaapput tunngaviullutillu.

Taamaammat pissusissamisornerpaajussooq, inatsisip danskisua kalaallisuanut naleqqussarlugu iluarsineqarpat.

Taamaammat Partii Naleqqamiit § 17, imm. 6-ip danskisuata allanngortinneqarnissaa akueraarput. Tassami inatsisip kalaallisoortaa taama isikkoqartillugu inatsisartuni akuersissutigereernikuungatsigu. Tassami danskisuata kalaallisuanut naapertuutinnginnera iluarsineqassappat danskisua kalaallisuanut naapertuutunngorlugu iluarsisariaqarpoq, killermuunngitsoq.

Eqqaasitsissutigilaartigu, maannakkut nunatta namminiilivinnissaa tamatta tamaviaarullugu suliaraarput, taamaattumik isumaqarpugut pissusissamisuunngitsoq inatsisit kalaallisut naqitat akuerisimasavut, danskisut naqitanut naleqqussartassagutsigit.

Atagu sapiissuseqarnerulaarluta kalaallisut inatsisiliatta akuerisimasattalu ataqqineqarnerunissaat pingaartinnerulaartigu, tassami takornartat oqaasiinut naleqqussartuannarsinnaanngilagut.

Taama oqareerluta isumaqarpugut inatsisip qulaani taaneqartup allanngortinneqarnissaa, utoqqartattalu pisariaqartitaannut naleqqussarlugu allanngortittariaqarippu, minnerunngitsumillu naalakkersuisooqatigiinnissamut isumaqatigiissummut naapertuunnerusunngorlugu allanngortinneqarnissaa pingaartinnerullugu piaartumik aaqqiivigisariaqarippu.

Tassami naalakkersuisooqatigiinnissamut isumaqatigiissutitsinni imannak allaqqasoqarpoq:
For det fremgår jo i koalitionsaftalen således:

“Utoqqaat pillugit politikkimi inuup naleqassusia aallaaviussaaq – tamatumalu siunertaasa ilagaat toqqisisimaneq pitsaassuserlu. Nunatsinni utoqqanngorluni inooqataaneq nuannersuussaaq.

Utoqqaat illoqarnikkut sussassareqatigiinnikkut aningaasaqarniarnikkullu atugarissaartut inuiqatigiinni suleqataajuarnissamut piumassuseqassapput, taamaattumik utoqqaat ajunngitsunik atugaqarnissaat periarfissaqartitaanissaallu naalakkersuisooqatigiit sulissutigissavaat.

utoqqalinersiutit pillugit iluarsaaqqittoqarsimanera naalakkersuisoqqatigiit naqissuserpaat.

Tunngaviusumik pensionisiat kikkunnut tamanut atuuppoq, apparisap isertitaanut attuumassuteqanngitsoq eqqunneqareerlunilu.

Utoqqaat utoqqalinersiaminnik ilanngartuiffigineqaratik saniatigut isertitaqarsinnaanissaminnut periarfissaat annertusarneqassapput.

Angerlarsimaffimmi ikiorteqarnermi atuisut akiliisarunnaassapput”.

Tamatta nassuerutigisariaqarparput naalakkersuisooqatigiinnissamik isumaqatigiissutip taassuma utoqqartatsinnut tunngasoq suli tamakkiisumik naammassineqarsimanngimmat, naak ilaatigut oqaatigineqareeraluartoq apparisap isertitaanut attuumassuteqanngitsoq eqqunneqareeraluartorlu. Tassami maannamut suli utoqqalinersiutit aappaasup isertitai apeqqutaatillugit aappaasoq ilaatigut annikitsuarakasinnik utoqqalinersiuteqartinneqarput.

Utoqqalinersiutit aappaasup isertitai apeqqutaatinnagit iluarsineqassasut neriorsuutaareermat, taakku ukioq manna aaqqiivigineqarnissaat Naalakkersuisut suliarissangaat piumasaraarput.

Isumaqpugut utoqqartatsinnut unneqqrilluta aamma naalakkersuisooqatigiinnissamik isumaqtigisiissuterput piaartumik tamakkiisumillu aaqqiivigisariaqaripput.

Tassami 2015-imili ukiakkut ataatsimiinnitsinni immikkoortup 160-ip, tassa utoqqalinersiutit pillugit inatsisip nutarterneqarneranut atatillugu taamanikkulli naalakkersuisut suliap saqqummiunneqarnerani/fremlæggelse af sagen ersarissumik oqaatigaat, utoqqalinersiutit aappaasup isertitai apeqqutaatinnagit iluarsineqassasut.

Kisianni tassa suli maannamut utoqqalinersiutit aappaasup isertitai apeqqutaatillugit tunniunneqartarput.

Isumaqpugut utoqqartavut inuaqtigijiinni suleqataalluarsimasut qujassutissaqarfigeqisavut ataqqinartumik nuannersumillu utoqqalinissaat qulakteertariaqaripput aaqqiivilgalugillu.

Taama oqaaseqarluta siunnersuutip aappasaanneerneqannginnerani Peqqissutsimut Ilaqutariinnermullu ataatsimiitaliami suliarineqarnissaa inassutingaarpuit.